

Broj: 09-14-2488-21/16
Sarajevo, 30.06.2016. godine

Na temelju člana 69. stav 2. tačka e), člana 70. st. 1, 4 i 6. Zakona o javnim nabavkama Bosne i Hercegovine ("Službeni glasnik BiH", broj 39/14 od 19.05.2014. godine), na preporuku Stalne komisije za javne nabavke broj: 09-14-2488-19/16 od 30.06.2016. godine, imenovane Rješenjem o imenovanju Stalne komisije za pripremu, pokretanje i provođenje odobrenih postupaka javne nabavke roba, vršenje usluga i izvođenja radova za 2016. godinu za Federalno ministarstvo financija – finansija za javnu nabavku broj: 03-05-1-1915/16 od 18.03.2016. godine, u postupku javne nabavke – Nabavka mrežnog software-a, Federalna ministrica financija – finansija d o n o s i

ODLUKU
O PONIŠTENJU POSTUPKA JAVNE NABAVKE
NABAVKA MREŽNOG SOFTWARE-a

Član 1.

Poništava se postupak javne nabavke: **Nabavka mrežnog software-a**, iz razloga što je cijena pristigle ponude znatno veća od osiguranih sredstava za predmetnu nabavku u skladu s članom 69. stav 2. tačka e) Zakona o javnim nabavkama Bosne i Hercegovine ("Službeni glasnik BiH", broj 39/14 od 19.05.2014. godine).

Član 2.

Za izvršenje ove odluke zadužuje se i ovlašćuje Sektor za ekonomsko – finansijske i zajedničke poslove Federalnog ministarstva financija – finansija.

Član 3.

Ova odluka objavit će se na web-stranici www.fmf.gov.ba istovremeno s upućivanjem odluke ponuđačima koji su sudjelovali u postupku javne nabavke, u skladu s članom 70. stav 6. Zakona o javnim nabavkama Bosne i Hercegovine.

Član 4.

Ova Odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, u skladu s članom 71. stav. 2. Zakona o javnim nabavkama Bosne i Hercegovine.



MINISTRICA

Jelka Milićević

Obrazloženje

Postupak javne nabavke, Nabavka mrežnog software-a pokrenut je Odlukom o pokretanju javne nabavke broj: 09-14-6-2488/16 od 07.04.2016. godine.

Javna nabavka je provedena putem konkurentskog zahtjeva za dostavu ponuda.

Procijenjena ukupna vrijednost ugovora, bez PDV-a u KM je 25.000,00 KM.

Obavještenje o nabavci broj: 810-7-1-48-3-4/16 objavljeno je na Portalu javnih nabavki dana 10.06.2016. godine.

Stalna komisija za javnu nabavku imenovana je Rješenjem broj: 03-05-1-1915/16 od 18.03.2016. godine.

Komisija za javnu nabavku donijela je preporuku o poništenju postupka javne nabavke - Nabavka mrežnog software-a broj: 09-14-2488-19/16 od 30.06.2016. godine.

Komisija za javnu nabavku dostavila je dana 30.06.2016. godine izvještaj o radu broj: 09-14-2488-20/16 od 30.06.2016. godine, Zapisnik o ocjeni ponuda broj: 09-14-2488-17/16 od 30.06.2016. godine i Preporuku o poništenju postupka javne nabavke - Nabavka mrežnog software-a broj: 09-14-2488-19/16 od 30.06.2016. godine, u postupku javne nabavke – Nabavka mrežnog software-a.

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje zaprimljene ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda jedan (1): „QSS“ d.o.o. Sarajevo
- da je blagovremeno zaprimljena 1 (jedna) ponuda,
- da je pristigla ponuda kompletna (sa svom traženom dokumentacijom),
- **da je ponuda ponuđača u pogledu cijene ponude za ugovor znatno veća od osiguranih sredstava za predmetnu nabavku odnosno u iznosu od 29.867,00 KM bez PDV-a.**

U postupku ocjene provedenog postupka javne nabavke, rukovoditelj ugovornog organa nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.

Nadalje, u postupku je utvrđeno da je Komisija u svemu pravilno postupila te da je preporuka o poništenju postupka javne nabavke data u skladu sa Zakonom o javnim nabavkama, podzakonskim i internim aktima i tenderskom dokumentacijom.

Naime, u postupku predmetne javne nabavke nesumnjivo je utvrđeno da je **ponuda ponuđača u pogledu cijene ponude za ugovor znatno veća od osiguranih sredstava za predmetnu nabavku**, čime su se stekli uvjeti za poništenje postupka javne nabavke.

Iz navedenih razloga, primjenom člana 69. stav 2. tačka e) Zakona o javnim nabavkama Bosne i Hercegovine, odlučeno je kao u članu 1. ove odluke.

POUKA O PRAVNOM LIJEKU

Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo uložiti žalbu u pisanoj formi u roku od 5 (pet) dana od dana prijema ove odluke u skladu s članom 99. Zakona o javnim nabavkama.